

ODLUKU**O USVAJANJU URBANISTIČKOG PROJEKTA "TRG
SOLIDARNOSTI "A" FAZA - ALIPAŠINO POLJE"****Član 1.**

Usvaja se Urbanistički projekat "Trg solidarnosti - "A" faza - Alipašino polje" (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Odluka o provođenju Urbanističkog projekta "Trg solidarnosti - "A" faza - Alipašino polje";
- Tekstualni dio Plana.

Grafički dio sadrži:

1. Faza-Urbanizam prezentiran na odgovarajućem broju tematskih karata i to:
 - karta 1.-Izvod iz Regulacionog plana "Trg solidarnosti - "A" faza Alipašino polje" (M 1:1250);
 - karta 2.- Ažurna geodetska podloga (M 1:500);
 - karta 3.- Postojeće stanje i intervencije u prostoru (M 1:500);
 - karta 4.- Posjedovno stanje (M 1:500);
 - karta 5.- Planirana namjena površina (M 1:500);
 - karta 6.- Arhitektonsko - urbanističko rješenje (M 1:500);
 - karta 7.- Mreža građevinskih i regulacionih linija (M 1:500);
 - karta 8.- Idejni projekti planiranih objekata označenih kao "A", "B" i "C" (M 1:125 i M 1:100).
2. Faza-Idejno rješenje saobraćaja;
3. Faza-Idejno rješenje snabdijevanja vodom i odvodnja otpadnih i oborinskih voda;
4. Faza-Idejno rješenje toplifikacije-gasifikacije;
5. Faza-Idejno rješenje elektroenergetike i javne rasvjete;
6. Faza-Idejno rješenje hortikulture;
7. Faza-Idejno rješenje tk-mreže.

Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Novi Grad i Zavodu za planiranje razvoja Kantona Sarajevo.

Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-7630/14
31. marta 2014. godine
Sarajevo

Predsjedavajuća
Općinskog vijeća
Edina Gabela, s. r.

Na osnovu čl. 40. i 47. Zakona o prostornom uređenju ("Službene novine Kantona Sarajevo", broj 7/05) i čl. 17. i 33. Statuta Općine Novi Grad ("Službene novine Kantona Sarajevo", br. 30/09 - Novi prečišćeni tekst), Općinsko vijeće Novi Grad, na 15. sjednici održanoj 31.03.2014. godine, donijelo je

ODLUKU**O PROVOĐENJU URBANISTIČKOG PROJEKTA "TRG
SOLIDARNOSTI "A" FAZA - ALIPAŠINO POLJE"****Član 1.**

Ovom Odlukom utvrđuju se uvjeti korištenja, uređenja, zaštite prostora i način provođenja Urbanističkog projekta "Trg solidarnosti - "A" faza Alipašino polje" (u daljem tekstu: Plan), a naročito granice obuhvata, urbanističko-tehnički uvjeti za intervencije na postojećim građevinama, uvjeti za izgradnju planiranih građevina, uvjeti uređenja građevinskog zemljišta, uvjeti privremenog korištenja javnih površina, uvjeti uređenja zelenih i slobodnih površina, uvjeti pod kojima se pojedine djelatnosti mogu obavljati u planiranom prostoru, te uvjeti uređenja površina za saobraćaj i saobraćaj u mirovanju.

Član 2.

Opis granice obuhvata na osnovu Odluke o pristupanju izradi Plana ("Službene novine Kantona Sarajevo", br. 24/10):

Granica obuhvata polazi od tačke br. 1 koja se nalazi na medi između parcela k.č. 3307/5 (ulica Bulevar Meše Selimovića) i 3294/2 (ulica Bajrama Zenunija), a ima koordinate y=6528845, x=4855897, zatim produžava na jug idući ulicom Bajrama Zenunija k.č. 3294/2 (ne obuhvata je), te na jugozapad ulicom Trg solidarnosti k.č. 3543 (obuhvata je) i dolazi u tačku br. 2 koja se nalazi na medi između parcela k.č. 3543 (ulica Trg solidarnosti) i 3397/2, a ima koordinate y=6528850, x=4855750, granica potom nastavlja na zapad idući uz objekat k.č. 3323 (obuhvata ga) i izlazi na pješačku stazu kojom produžava na sjever, te zapad (obuhvata je) i dolazi u tačku br. 3 koja se nalazi na parceli k.č. 3397/2, a ima koordinate y=6528652, x=4855767, zatim produžava na jug u dužini od 66 m i dolazi u tačku br.4 koja se nalazi na parceli k.č.3397/2, a ima koordinate y=6528670, x=4855706, potom skreće na zapad idući pješačkom stazom (ne obuhvata je) i dolazi u tačku br. 5 koja se nalazi na parceli k.č. 3397/2, a ima koordinate y=6528601, x=4855693. Granica obuhvata produžava na sjever preko parcele k.č.3397/2 u dužini od 66 m i dolazi u tačku br. 6 koja se nalazi na parceli k.č. 3397/2, a ima koordinate y=6528588, x=4855758, zatim produžava na jugozapad idući pješačkom stazom preko parcele k.č. 3397/2 (obuhvata je) i dolazi u tačku br. 7 koja se nalazi na parceli k.č. 3397/2, a ima koordinate y=6528448, x=4855697, potom nastavlja na zapad obuhvatajući parcele k.č. 3355 (objekat) i 3547 (put) i dolazi u tačku br. 8 koja se nalazi na raskršću puteva 3547 i 3548 (ulica Ive Andrića), a ima koordinate y=6528873, x=4855681, granica potom produžava na sjever ulicom Ive Andrića k.č. 3548, te zapad ulicom Bulevar Meše Selimovića k.č. 3307/5 (ne obuhvata ih) i dolazi do tačke broj 1 odnosno do mjesta odakle je opis granice i počeo.

Sve gore navedene parcele se nalaze u K.O. Novo Sarajevo III, Općina Novi Grad.

Površina obuhvata iznosi P=5,6 ha.

Član 3.

U sklopu obuhvata ovog Plana definisane su zone sa slijedećim namjenama:

- Stambeno poslovna zona, površine 3,450 ha;
- Zelenilo, površine 1,125 ha;
- Saobraćaj, površine 1,025 ha.

Član 4.

Intervencije na postojećim objektima, te izgradnja planiranih objekata na području planiranja u granicama opisanim u članu 2. se vrše na osnovu Plana.

Član 5.

Urbanističko - tehnički uvjeti za izgradnju planiranih objekata i rekonstrukciju postojećih su:

Regulaciona linija i parcelacija

- Regulaciona linija, utvrđena ovim Planom se ne može mijenjati;

Građevinska linija

- Građevinske linije utvrđene u grafičkom dijelu Plana ujedno označavaju liniju iskolčenja;
- Istureni dijelovi objekta - vijenac objekta - mogu da pređu građevinsku liniju, najviše do 1,2 m, a prema grafičkom prilogu list broj 8 - Idejni projekti planiranih objekata označenih kao "A", "B" i "C" (M 1:125 i M 1:100);
- Ne dozvoljava se dogradnja čvrstih isturenih dijelova objekta (roštilji, krušne peći, ljetne kuhinje i sl.) izvan Planom definisane građevinske-linije objekta.

Spratna visina i etaže objekta

- Planirana spratnost i odstojanje građevinskih linija utvrđene su Planom i ne mogu se mijenjati;

- Spratnosti planiranih objekata su prizemlje (P), te prizemlje i 1 do 2 sprata (P+1 do P+2);
- Maksimalne kote objekata su date u grafičkom prilogu list broj 8 - Idejni projekti planiranih objekata označenih kao „A“, „B“ i „C“ (M 1:125 i M 1:100).

Postojeći objekti

- Postojeći objekti koji se zadržavaju Planom, mogu se rekonstruisati i redizajnirati u skladu sa postavkama Plana;
- Postojeći objekti koji su predviđeni za uklanjanje, naznačeni su na grafičkom prilogu list broj 3 - Postojeće stanje i intervencije u prostoru;
- Na objektima predviđenim za uklanjanje ne mogu se vršiti intervencije rekonstrukcije i redizajna.

Planirani objekti

- Svi planirani arhitektonsko - urbanistički zahvati moraju biti projektovani i izvođeni prema uslovima datim u članu 5. ove Odluke, a u skladu sa važećim propisima;
- Prije izdavanja građevne dozvole potrebno je pribaviti sve potrebne saglasnosti od nadležnih institucija i javnih komunalnih preduzeća;
- Priključke na mrežu instalacija treba u svakom konkretnom slučaju posebno projektovati, a u skladu sa Planom. Obavezno je projektovanje brojila za sve vrste instalacija i njihovo ugrađivanje za potrebe svakog potrošača;
- Za sve građevine koje će se graditi na osnovu Plana potrebno je prethodno pribaviti projektnu dokumentaciju. Projektna dokumentacija mora biti izrađena prema uslovima predviđenim za 8° MCS;
- Poslovni prostori se ne mogu pretvarati u stambene;
- Izgradnja planiranih objekata, te rekonstrukcija i redizajn fasada se mora vršiti u skladu sa uvjetima datim ovim Planom i grafičkim prilogom list broj 8 - Idejni projekti planiranih objekata označenih kao „A“, „B“ i „C“ (M 1:125 i M 1:100);
- Elementi predviđeni za rekonstrukciju i redizajn, te izgradnju objekata koji su predmet ovog Plana su savremeni materijali;
- Namjena planiranih objekata, pored ugostiteljstva i uslužnog zanatstva, može biti i kultura i obrazovanje (izložbeni pavilioni, igraonice za djecu i sl.).

Objekat "A" je planiran kao izgradnja novog objekta na mjestu postojećeg objekta zelene pijace i trgovki u obuhvatu Plana. Objekat je spratnosti P+2, BGP 6.830 m².

U prizemlju novoplaniranog objekta zadržane su pozicije svih postojećih poslovnih objekata (parcele označene kao k.č. 358, 3565, 3566, 3567, 3569 3570, 3571, 3572, 3573, 3574, 3575, 3576, 3577, 3578, 3579, 3580, 3581, 3582, 3583, 3584, 3585, 3586, 3587, 3588, 3590, 3591, 3592, 3593, 3594, 3595, 3596, 3597, 3598, 3599 KO Novo Sarajevo III (novi premjer) i isti su inkorporirani u jedinstveni standardizirani poslovni objekat. Na prvoj etaži objekta je planiran prostor za bosansku tržnicu sa pratećim sadržajima, dok je zadnja etaža planirana za poslovne prostore. Objekat je opremljen obaveznim servisnim sadržajima (sanitarni čvor, eskalatori, liftovi, požarna stepeništa).

Objekat "B" je planiran u skladu sa pozitivnim stručnim mišljenjem Zavoda za planiranje razvoja Kantona Sarajevo broj 02-23-9022/08 od 09.01.2009. godine, što je u skladu sa Odlukom o pristupanju Plana, a čime su obezbijeđene zamjenske lokacije za osam privremenih poslovnih objekata, na prijedlog Općine Novi Grad Sarajevo.

Planiran je objekat spratnosti P (sa galerijom unutar objekta), BGP 680 m².

Objekat je planiran kao jedinstveni objekat koji je u interijeru izdijeljen na osam poslovnih prostora, spratnosti prizemlje i galerija, od kojih su četiri poslovna prostora kvadrature po 64 m², a četiri kvadrature po 77,5 m² korisne površine. Svi poslovni prostori imaju vlastiti sanitarni čvor i komunikaciju sa galerijom.

Kroz objekat je planiran pasaż kao veza trga i zelene površine sa sportskim sadržajima.

Objekat "C" je planiran na prijedlog Općine Novi Grad, a radi rješavanja statusa objekta privremenog karaktera na parceli označenoj kao k.č. 3397 dio KO Novo Sarajevo III (novi premjer).

Postojeći privremeni poslovni objekat se prema Planu dijelom ruši, a u okviru planiranog gabarita (koji se najvećim dijelom preklapa sa postojećim gabaritom) se redizajnira i rekonstruiše na osnovu Idejnog rješenja koje je sastavni dio Plana. Planirani objekat je spratnosti P, BGP 50,6 m².


Naknadna urbanistička saglasnost će se izdati na osnovu Idejnog projekta te će se naložiti urbanističko-tehnički uslovi za rekonstrukciju i redizajn postojećeg objekta.

Investitor se obavezuje da izradi Idejni projekat na osnovu Idejnog rješenja koji je sastavni dio Plana, kao i Glavni projekat u skladu sa naprijed navedenim Idejnim projektom te je neophodno da izvrši sve radove uslovljene naknadnom urbanističkom saglasnosti i odobrenjem za građenje do podnošenja zahtjeva za upotrebnu dozvolu.

Član 6.

Pomoćni objekti

- Lociranje pomoćnih objekata (ljetne bašte, nadstrešnice, i sl.) može se odobriti u skladu sa Zakonom o privremenom korištenju javnih površina na području Kantona Sarajevo, ukoliko ne ugrožavaju susjedne objekte;
- Pomoćni objekti moraju biti projektovani u okviru regulacione linije date u grafičkom dijelu plana (list broj 7 - Mreža građevinskih i regulacionih linija). Ljetne bašte se ne mogu ustakljivati ili zidati čvrstim materijalima, te moraju biti montažno - demontažne;
- Dozvoljeno je postavljanje rolo tendi za ljetne bašte, koje moraju biti unificiranog kolorita i tipa za sve objekte. Rolo tende se postavljaju ispod vijeća objekta;
- Nije dozvoljeno ustakljivanje i natkrivanje pristupnih površina objektu (stepenice, ulazni platoi i sl.), osim rolo tendi;
- Nije dozvoljena gradnja čvrstih nosača ili oslonaca za potrebe natkrivanja ljetnih bašti, osim postavljanja suncobrana, koji moraju biti unificirani za sve ljetne bašte, te rolo tendi;
- Postavljanje mobiljara za ljetne bašte ne smije ometati Planom utvrđene pješačke hodne linije. Mobilijar ne smije biti fiksiran;
- Ne mogu se odobriti pojedinačni zahtjevi za postavljanje podnih obloga na koti partera za ljetne bašte. Podna obloga mora biti unificirana za sve ljetne bašte. Ukoliko se radi o drvenoj podnoj oblozi na visini npr. +0,15 m ne može se odobriti ograđivanje iste (ograde, žardinjere ili bilo koja druga vrsta barijere);
- Natkrivanje dva terena za šah može biti odobreno samo u vidu dva montažno - demontažna šatora tipa gazebo, postavljenih na stubove od aluminijskih profila, a prema grafičkom dijelu Plana - karta br. 6 "Arhitektonsko - urbanističko rješenje". Konstrukcija šatora mora biti od eloksanog aluminija, spojevi konstrukcije od pocinčanog željeza, a krovne stijenke šatora od PVC nezapaljivog materijala. Izgled i dimenzije šatora date su na crtežu i tabeli u nastavku teksta. Ne može se odobriti zatvaranje bočnih stijenki šatora.



DIMENZIJE ŠATORA

A	6 m x 6 m
bočna visina (E)	2,50 m
širina mt. (A)	6,00 m
ukupna visina mt. (D+E)	4,30 m
pokrivena površina m2	36,00

Član 7.

Uređenje građevinskog zemljišta

Uređenje građevinskog zemljišta se mora izvesti u obimu i na način kako je to predviđeno Planom.

Redizajn građevina se ne može započeti bez prethodnog minimalnog uređenja građevinskog zemljišta pod čime se podrazumijeva obezbjeđenje saobraćajnog pristupa parceli, priključenje na vodovodnu, kanalizacionu i elektroenergetsku mrežu, eventualno izmještanje vodova komunalne infrastrukture.

Redizajn i rekonstrukcija građevina ne može započeti prije uklanjanja dijelova ili cijelih objekata predviđenih za rušenje. Izuzetno se ovi objekti mogu koristiti za potrebe gradilišta, ali se isti moraju ukloniti prije tehničkog prijema građevine.

Privremeno korištenje građevinskog zemljišta koje nije privedeno krajnjoj namjeni se ne može odobriti.

Član 8.

Javne površine

- Javne površine (zelene površine, parkirališta, pločnici i sl.) predviđene Planom ne mogu se zaposjedati drugim građevinama i sadržajima, sem onih predviđenih ovim Planom;
- Parkiranje organizovati na Planom utvrđenim parking prostorima;
- Pješačka kretanja rješavati na Planom utvrđenim površinama;
- U zonama pješačkih kretanja ne dozvoljava se parkiranje, a omogućava se kretanje vozila za interventni saobraćaj;
- Za površinsku obradu planiranih javnih pješačkih površina treba primjenjivati materijale koji su otporni na habanje, pogodni za kretanje u zimskim uslovima (klizanje) i podnose opterećenja neophodna za kretanje interventnih vozila;
- Urbanističko - arhitektonskim rješenjem za Planom propisano područje se tretira uređenje pješačkih površina i jedinstveni tretman urbanog mobilijara (korpe za otpadke, klupe, vizualne komunikacije vezane za pješačka kretanja, telefonske govornice, elementi vode i sl.);
- Pješačke i druge javne površine se ne mogu izdvajati postavljanjem barijera ili prepreka, u cilju spriječavanja normalnog pješačkog toka;

- Površine predviđene Planom za popločavanje ne mogu se asfaltirati, niti betonirati;
- Zelene površine se uređuju na osnovu projekta sadnje čiju osnovu čine elementi dati fazom hortikulture u okviru Plana.

Član 9.

Zelenilo

Sa aspekta zelenih površina, u granici posmatranja, s obzirom na prostorno-funkcionalne sadržaje, izdvojene su sljedeće kategorije zelenih površina:

- Zelenilo uz saobraćajnice - linijsko zelenilo i skverovi
- Blokovo zelenilo

Linijsko zelenilo se obavezno uspostavlja, prema prostornim mogućnostima, duž primarnih saobraćajnica-longitudinala i transferzala.

Postojeći linijski sistemi se maksimalno zadržavaju uz redovnu njegu i održavanja, te uz popunu praznih lokusa, istom vrstom.

Skverovi na istočnoj i zapadnoj strani obuhvata Urbanističkog projekta, se uređuju, sa atraktivnim vrstama sve tri vegetacione etaže.

Na skveru na istočnoj strani je predviđeno Spomen obilježje palim borcima i poginulim civilima sa područja MZ "A-faza Alipašino polje", a prema dostavljenom Idejnom rješenju koje je modifikovano i prilagođeno planiranom lokalitetu na kojem će biti izgrađeno, na parceli označenoj kao k.č. 3544 K.O. Novo Sarajevo 111, a prema grafičkom dijelu Plana - karta br. 6 "Arhitektonsko - urbanističko rješenje".

Predmetno spomen - obilježje se može predvidjeti i na drugim lokalitetima unutar obuhvata Plana, ali ne u zonama vatrogasnih pristupa postojećim i planiranim objektima, a u skladu sa Zakonom o zaštiti od požara i vatrogastvu ("Službene novine Federacije BiH", br. 64/09) i Pravilnikom o uslovima za vatrogasne pristupe i prolaze za stambene i druge zgrade i objekte i za sve prostore koji se smatraju građevinama ("Službene novine Federacije BiH", br. 70/12).

Blokovo zelenilo, u obuhvatu UP. Trg solidarnosti, predstavlja dio ukupnog blokovskog zelenila na Alipašinom polju, i predstavlja jednu od poveznica između faza A i C ovog naselja, a i šire.

Uređuje se sa elementima sve tri vegetacione etaže, atraktivnih morfoloških iskaza i fenoloških pojava, te sa elementima urbanog mobilijara.

Unutar gore navedene zelene površine planirano je postavljanje urbanog mobilijara sa bočalištem, mjestima za okupljanje i igru, a prema grafičkom dijelu Plana - karta br. 6 "Arhitektonsko - urbanističko rješenje".

Član 10.

Saobraćaj u mirovanju

U predmetnom obuhvatu saobraćaj se u potpunosti zadržava u postojećem stanju. Saobraćajni tok je omogućen sa glavne gradske magistrale-Bulevara Meše Selimovića IX transferzalom (Ulica Ive Andrića), preko Trga Solidarnosti ka VIII transferzali (Ulica Bajrama Zenunija) i obratno. Ulica Trg solidarnosti je ukupne širine 7.00 m, sa pločnikom prema predmetnom objektu od minimalno 2.00 m, i ima kružni tok jer je već urađeno spajanje parkirališta duž Ulice, na kojem je u RP "Alipašino polje" bila planirana zelena površina.

Nova urbanistička koncepcija omogućava da se poštuju postojeći tokovi za pješački saobraćaj:

- Pješački tok kao nastavak pješačke ulice dijela Trga solidarnosti definisan je urbano opremljena pješačka ulica i kao takva predstavlja primarnu pješačku komunikaciju sa direktnim pristupom postojećem stambenom i novoplaniranom poslovnim nizu objekata.
- Druga longitudinalna pješačka komunikacija je takode formirana kao nastavak postojećeg sekundarnog pješačkog toka Trga solidarnosti, pravca pružanja istok-zapad.

- Treći pješački tok je ostvaren unutar transparentnih prizemlja novoplaniranih objekata. Njega predstavljaju natkrivene pješačke komunikacije koje se provlače kroz sadržaje prizemlja novoplaniranih.

Sve pješačke površine i trгови su u planu predviđeni za popločavanje. U zonama pješačkih kretanja ne dozvoljava se parkiranje, a omogućava se kretanje vozila za interventni saobraćaj u posebnoj režimu saobraćaja.

Pješačke i druge javne površine se ne mogu izdvajati posvajanjem barijera ili prepreka, u cilju sprječavanja normalnog pješačkog toka.

I saobraćaj u mirovanju se u potpunosti zadržava i to na način da je unutar podzemne garaže planirano zadržavanje cca 250 g.m., a u okviru vanjskih parkinga zadržava se postojećih cca 265 p.m. Površina između planiranog objekta pijace i postojećeg objekta Mercator-a se popločava i planira kao pješačka površina trga za posebne prilike kao što su obilježavanje praznika, manifestacije i priredbe.

Saobraćaj u mirovanju za planirani objekat pijace (označen kao "A" objekat u Planu) će se rješavati u saradnji sa lokalnom zajednicom (dopis broj 06(04)-23-9272/12-5 BA od 17.04.2013.), te u okviru planiranog objekta Kongresnog centra.

Član 11.

Klima uređaji

Uređaji koji su u funkciji obavljanja djelatnosti u građevini (ventilacije, dimnjaci, klima uređaji i sl.) moraju se smjestiti unutar osnovnog gabarita objekta, te svojim položajem, volumenom, oblikom i materijalom ne smiju narušiti izgled fasade objekta.

Član 12.

Zaštita životne sredine

Planirani objekti i djelatnosti koje obavljaju, navedene u čl. 5 ove Odluke moraju biti projektovani u skladu sa Zakonom o zaštiti životne sredine.

Član 13.

Normativi za osobe sa umanjenom sposobnošću kretanja

U toku razrade i sprovođenja Plana primijeniti uslove iz Uredbe o urbanističko-tehničkim uvjetima, prostornim standardima i normativima za okupljanje i sprječavanje stvaranja arhitektonsko urbanističkih barijera za kretanje osoba sa umanjenom sposobnošću kretanja koja koriste tehnička i ortopedska pomagala ("Službene novine Kantona Sarajevo", broj 5/00).

Nivelete pješačkih saobraćajnica kao prilazi i ulazi u sve objekte moraju biti isprojektovane i izvedene sa nagibima koji omogućavaju nesmetano kretanje osoba sa umanjenom sposobnošću kretanja, odnosno neophodno je obezbijediti odgovarajuće rampe, držače, posebno obilježena parking mjesta i sl.

Član 14.

Ograde

Na prostoru koji je obuhvaćen Planom nije dozvoljeno podizanje čvrstih, niti bilo kakvih drugih ograda.

Član 15.

Reklame

Nije dozvoljeno postavljanje reklama na objekte predviđene Planom, osim na praznom prostoru ispod vijenca planiranog objekta, a prema grafičkom prilogu (list broj 8 - Idejni projekti planiranih objekata označenih kao "A", "B" i "C" (M 1:125 i M 1:100).

Član 16.

Osvjetljenje i iluminacija

Za osvjetljenje i iluminaciju građevina kao i površina i sadržaja vanjskog uređenja potrebno je uraditi idejne projekte.

Član 17.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-7616/14
31. marta 2014. godine

Predsjedavajuća
Općinskog vijeća
Edina Gabela, s. r.

OPĆINA NOVO SARAJEVO

Općinsko vijeće

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 19. stav 1. alineja 2. Statuta Općine Novo Sarajevo ("Službene novine Kantona Sarajevo", broj 35/10) i člana 38. Poslovnika Općinskog vijeća-prečišćeni tekst ("Službene novine Kantona Sarajevo", broj 37/13), na 16. sjednici od 27.03.2014. godine, donijelo je

ODLUKU

O IMENOVANJU ČLANA KOMISIJE ZA PROVOĐENJE JAVNOG KONKURSA ZA DODJELU NEIZGRAĐENOG GRAĐEVINSKOG ZEMLJIŠTA U DRŽAVNOM VLASNIŠTVU

Član 1.

Muhamed Sukić - imenuje se za člana Komisije za provođenje javnog konkursa za dodjelu neizgrađenog građevinskog zemljišta u državnom vlasništvu.

Član 2.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-310/14
27. marta 2014. godine
Sarajevo

Zamjenik Predsjedavajućeg
Općinskog vijeća
Novo Sarajevo
Bulend Bišćević, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 19. stav 1. alineja 2. Statuta Općine Novo Sarajevo ("Službene novine Kantona Sarajevo", broj 35/10) i člana 39. stav 3. Poslovnika Općinskog vijeća-prečišćeni tekst ("Službene novine Kantona Sarajevo", broj 37/13), na 16. sjednici od 27.03.2014. godine, donijelo je

ODLUKU

O RAZRJEŠENJU DUŽNOSTI ČLANA KOMISIJE ZA PROVOĐENJE JAVNOG KONKURSA ZA DODJELU NEIZGRAĐENOG GRAĐEVINSKOG ZEMLJIŠTA U DRŽAVNOM VLASNIŠTVU

Član 1.

Marko Matić - razrješava se dužnosti člana Komisije za provođenje javnog konkursa za dodjelu neizgrađenog građevinskog zemljišta u državnom vlasništvu.

Član 2.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-311/14
27. marta 2014. godine
Sarajevo

Zamjenik Predsjedavajućeg
Općinskog vijeća
Novo Sarajevo
Bulend Bišćević, s. r.